



SECTIO III.

SALIA ESSENTIALIA et FIXA, TARTARIQUE PRAEPARATIONES.

Sal essentialē acetosae.

℞ Succī acetosae per subsidentiam depurati
q. v.

Euaporetur ita, ut tertia pars remaneat, dein per pannum laneum colatus, exhalet ad pelliculam. Immittatur vasi vitreo, et olei oliuarum parum affundatur superficiei: reponatur in cella donec copiosae appareant crystalli, aqua fontana leniter abluendae et exsiccandae.

Eodem modo parantur salia ex omnibus plantis acidis, austeris, adstringentibus et amarulentis paucō oleo gaudentibus.

Herbae natura sicciores inter contusionem irrorentur pauxillo aquae, ut succus facilius exeat sub prelo.

Harum plantarum aquae, quae frustra destillatione eliciuntur, confici possunt soluendo salis essentialis q. s. in aqua fontana.

Sal

Sal fixum absinthii.

℞ Herbae absinthii recentis vel leniter siccatae

q. v.

Leni igne in sartagine redigatur in cineres albos, ex quibus, cum

Aquae fontanae q. f.

coctis, fiat lixiuium; quod filtratum lento igne evaporet in fuscum, cauendo ne vasis lateribus adhaerescat. Solutione, filtratione et coagulatione, aliquoties iteratis, obtinetur sal purum et album.

*Sal fabarum stipitum,
genistae etc.*

eodem sunt modo.

Crystalli tartari.

℞ Tartari albi triti q. v.

Soluatur coquendo ex

Aquae fontanae vigecuplo.

Solutio dum adhuc feruet, per chartam bibulam vel pannum laneum coletur in vas ligneum: dein per noctem, aut diutius, frigori exponatur, ut vasis lateribus accrescant crystalli, quae effusa aqua, colligantur et exsiccentur. Ab his non differt.

Cremor tartari.

℞ Solutionis tartari (ut supra) colatae q. v.

Ebulliat ad ignem, donec in superficie emergat cuticula densa, cochleari ligneo perforato detrahenda: tum coque, donec noua cuticula appareat, quam detrahe, sicque deinceps pergito, donec cuticula non amplius appareat. Tandem cuticulas exsiccata ad solem.

Crystalli et cremor tartari aliunde ad nos adferuntur, quibus non cedit tartarus albus purus, praecipue ex vino Rhenano, sine ulla praeparatione.

Sal tartari.

℞ Tartari albi q. v.

Chartae bibulae madefactae inuolutus, et in ignem reuerberii iniectus, calcinetur donec albiissimus euadat: tum in aqua calida solutus filtratur, et in vase ferreo mundo exhalet, donec instar niuis sal albiissimum et siccissimum restet, sub finem perpetuo agitandum cochleari ferreo, ne fundo vasis adhaerescat.

Si sal tartari fortius expetatur, sal album in crucibulo, igne vehementissimo fustum, reuerberetur per horas aliquot, donec subuירidem vel caeruleum acquisierit colorem.

Liqua-

*Liquamen salis tartari, vulgo oleum
per deliquium dictum.*

℞ Salis tartari q. v.

Vase vitreo, humili et lato exceptum, per dies aliquot in loco humido exponatur aëri, ut solvatur in liquorem, quī vasis inclinatione a facibus separetur. Quo sal fortius calcinatur, eo facilius liquefit.

Tartarus vitriolatus.

℞ Olei vitrioli, aequali copia aquae calidae diluti q. v.

Immitte in vas vitreum capax; et paullatim instilla

Olei tartari per deliquium q. s.

i. e. donec nulla amplius appareat effervescencia: liquor, per filtrum depuratus, exhalet ad pelliculam, ut in frigore repositus crystallos praebeat.

Tartarus solubilis.

℞ Crystallorum tartari q. v.

Coque ad perfectam solutionem ex

Aquae fontanae decuplo.

Solutioni bullienti instilla paullatim

Olei tartari per deliquium q. s.

i. e. donec cesset effervescencia. Liquor, calidus adhuc, filtratus, euaporetur ad pelliculam, ut crystalli in frigore concrecant.

H 5

Tartarus

Tartarus regeneratus.

℞ Salis tartari, sicci, triti q. v.

Immitte in vas vitreum capax, et affunde sensim saepe agitato vase,

Spiritus aceti q. f.

ad saturationem. Liquor filtratus exhalet igne lenissimo ad siccitatem, cauendo ne empyreuma contrahat. Sali residuo affunde de nouo

Spiritus aceti q. f.

*ad saturationem. Depuratus liquor caute exsic-
cetur in salem.*

Lapis septicus, seu cauterium potentiale.

℞ Cineris clauellati,

Calcis viuae ana p. ae.

Aquae fontanae triplum ad vtriusque pondus.

*Macera per biduum, subinde agitando. Lixi-
vium filtratum exhalet ad siccitatem, et massa,
crucibulo immissa, detineatur in igne vehementissi-
mo, donec instar olei fluat, effusa dein in laminam
planam, calefactam, secetur, dum adhuc lentescit,
in frustula idoneae molis et figurae, in vase vi-
treo bene obturato seruanda.*



CLASSIS